





292-82



苧蘿西子

誌序文庫



史記句踐圖霸業卧薪嘗膽佐

以種蠡竟秦吳治之稱越有三

仁至若西子僅目之粉黛傾國

之流千秋後魯未有開其生面

者予同譜張君撤藩令暨陽風  
有奇抱為政能破拘攣馳域外  
觀西子英靈不泯發令君之夢  
于是為之輪奐其祠裒今古之  
咏歌志之方諸越絕雌雄殆未

易定也或者云越疆巖壑毓秀  
蔚為人文其以事功節義禮樂  
文字焜奕寰區者詎無可揚摧  
胡沾沾一女子為予謂越之雪  
恥三仁明致其勛西子陰驕其

志以夫差之雄心而秦之使安  
凌其燼則戡定之畧全藉筭流  
政有足竒耳夫吳不驕則越不  
霸西子不行則吳不驕自館娃  
一入而崇臺榭騁遊田肆征伐

戮忠良樂其所以亡不以越為  
事而後越之君臣生聚教訓得  
以從容安輯一舉而成功焉吳  
之厲階非越之功首耶以柔荑  
凝脂之質成元老壯猷之勲當

其疑思冲寂蓄意簡嚴柔縵操  
戈何假羸師百萬夫計不必繁  
每伏急而趨險意能藏巧或削  
複以流單區區麗人云乎哉我  
高皇帝手闢乾坤亦嘉其伐謀得

志詩至今存焉當不作麗人觀  
矣昔陳孺子以美人圖解圍白  
登迄今稱竒計矧西子垂餌虎  
口身致其功不尤竒之竒乎迺  
令澌滅千秋司衡謂何予友子

就路君繼撤藩宰是邑于遺踪  
逸韻益廣蒐討爰取苧羅誌益  
增緝重繡諸梨微予言弁簡端  
余維佳冶艷稱無闕經國大業  
風雅韻言雖殊盤詰弘詞要之

材鮮兼長塗分各轍吾儕能拔  
新領異超絕羣倫叅微而入玄  
履偏而居正神理長綿不共雲  
烟起滅立言不朽固是功德緒  
餘故使華陰霧散猶標玉玦之

歲其如蜀魏箋成更得龍駒之  
註史乎文乎邵矣媿矣予未釋  
籥時遙望禹穴蘭亭以不獲登  
眺為缺缺今幸稱山川主人而  
得矚目于斯志所謂其神不磨

其音容功伐寄之紙上者也因  
以見越國多才一女子猶能見  
竒與娥江節孝並垂不朽其稱  
偉丈夫雄視今古者固未可更  
僕數也從滴水識大海味于斯

志具達觀矣董是役者為明經  
錢君世為人楷博雅有雋才晚  
穎而造羽天衢旦莫俟也

歲丁丑初夏陽羨王期昇爾晉  
甫書於東揚公署之雪香菴





苧蘿西子誌叙

誌西子將以薈蕞古今論說傳記  
詞詩及襍著小作凡足以存西子  
者類而成書以此為誌也西子之  
跡盛著於吳志其遺蹟在越獨苧  
蘿山浣紗江至今猶以西子名江

浦有石相傳西子浣紗支倚其上  
余同年昆陵王藻臣嘗記之誌則  
成於同年丹徒張撤藩二君後先  
令諸暨西子遺蹟未傳於當世及  
散見諸文字者得兩君子著而存  
之而且以序屬余余惟西子之事

則固已極辨於前人脩載于誌中  
矣誠無取掇拾而論說之為也獨  
惟夫吳越之際興亡之幾如箭鋒  
舐觸矢矢相着越絕書言勾踐所  
以伯皆人也袒西子者遂以秦吳  
故而忠之功之曰有婦人焉將比

于種蠹諸臣之後乃余則嘗聞諸  
夫子曰天生宰嚭歆以亡吳嚭生  
于楚未死于吳而終以亡吳知嚭  
之生以天則知西子之生不當徒  
目以人也夫君臣一心嘗膽卧薪  
早朝晏罷苦身焦思餘二十年此

人可為耳東垂鄙陋賣薪女子艷  
質忽挺絕世獨立此雖勾踐腐心  
種蠹刻骨歆必得此于國中以供  
館娃響屨錦帆香水老死是鄉之  
靡曼誠束手坐困之道乃終得有  
之以成勾踐種蠹之志豈非天乎

說在乎薛燭之說劍矣曰赤堇之  
山破而錫出若耶之溪涸而銅生  
歐冶氏乃得曰天精神效人伎巧  
夫赤堇非產錫之地若耶非鑛銅  
之所願忽破而終合旋涸而方深  
此與荒江斷浦僻塞所積忽產絕

色效顰無何者不殊質而等觀也  
哉且歐冶氏劍器有五吳得其三  
其名魚腸者闔廬授之專諸刺王  
僚於窟室吳之禍亂實階於此大  
夫種弊吳有七術美好之西子進  
而吳之財幣竭于遊騁工作淫于

李序  
四  
巧匠糴貴而出民罷而令諛臣之  
言日暱諫臣之口日彊闔廬寶越  
劍以弑君夫差嬖越女以亡國越  
失三劍而効其一失一美好女子  
而效其術七當其時蠡得西子而  
進之勾踐君與臣方咨嗟竒絕以

為此兵用之當更神于劍器越棄  
之若斷梗吳寶之若劍合正不必  
燕處醉飽陰有所乘以成同牀之  
慝即此館娃響屨錦帆香水日玩  
其溫柔時愛其綽約蟬媛旖旎精  
華銷鑠所為娛目騁懷心賞斯極

而曩時出入門閭傳呼警荅誓雪  
父仇之志氣不知已內徙去之不  
盡不已也傷哉好色之刃甚于利  
兵木之蠹也大風折之墻之隙也  
驟雨壞之越方以西子為夫差之  
蠹隙而自以其君若臣之服術行

法風雨其後故謂夫差亡國不因  
色荒千乘之君不嫌嬖婦者誠未  
曙于吳越之際興亡之幾耳也矣  
不然艷色天下重西施寧久微此  
固女子無命色是其命之說向使  
無館娃響屐錦帆香水銷其冶艷

西子寧有稿項蓬室之理非其君  
之曲房則其諸大夫之專室勾踐  
畜之安得與之卧薪而嘗膽種蠶  
畜之安能為之早朝而晏罷生不  
堪與其君卧薪嘗膽與其臣早朝  
晏罷也欲不歸館娃響屐錦帆香

水不得也故曰天也繇是言之尤  
物所生不用以復讐雪恥若龍聚  
之出誠厲而非福尤物所在不至  
為蛟為螭傾城傾國天意亦未肯  
虛生而遽已千載而下誦西子之  
名撫西子之跡者亦可憮然以思


李氏  
閨然以恐又何待致憫流歎于艷  
香塵土乃以效通德荒田蔓草之  
沾泣乎以余所聞范蠡佐勾踐滅  
吳戮太宰嚭以不忠於君與已比  
周也浮西子于鴟夷以謝子胥館  
娃諸勝已麋鹿荆棘老矣西子將

安歸破舌之報以告天下即以告  
勾踐也乃自號鴟夷子竄身江湖  
憫西子而弔伍胥以自終焉有臣  
如此勾踐能傾心聽受之良金寫  
其狀朝禮之環會稽三百里封祝  
之夫差一敗不復振勾踐既伯以



李唐  
令終吳越之際興亡之幾豈偶然  
哉雖有天意其人謀抑何可忽也  
誌西子者其有慨於此也夫叙西  
子誌者能無慨於此也夫

昭陽李清心水甫題



苧蘿西子誌序

自昔良史多而善讀史者罕善讀  
者適然自得而神妙於無窮若孔  
明別申生重耳之安危奚假口說  
哉逮宋諸君子乃始喜論古人堅  
執名理飾以詞辯是非褒貶不異

繩之束坊之限後遂凜焉遵之而不敢易設有虛心默默細繹全史以世觀人以微觀顯以生平觀一節于累朝興兆亾徵兵機事要瑰言遺蹟往往有獨絕之奇秘妙契於中間出以語人人莫曉也余讀

暨陽苧蘿山西子志諸公詮叙洋洋纒纒靡不破拘孿之識馳域外之觀西子湮沒幾二千餘載今始發其奇秘以耀幽光而卒不詭於名理誠於西子窺其深也古人立功名於異域如傅介子鄭吉其延

壽陳湯之屬事殊竒特然皆挾譎  
會偶于道甚細而西子則噓殘越  
於煨燼蹂躪之餘興滅繼絕是西  
子之功蓋古人未有之功也自古  
樂寵異能之士開迹四遠無如西  
漢况其時如傳鄭甘陳者又罕顧

或封侯或反免官或反按繫所獲  
醜者良薄而西子則歷千百載而  
受知獨深協諸金石聲垂竹素洵  
爲異數是西子之遇亦古人未有  
之遇也夫深宮粉黛亦惟是獻媚  
乞憐已耳何與於兵事而以噓越

之功予之哉是蓋有道焉易稱君子知微知彰知柔知剛西子之餌吳其柔而微者乎可與幾矣夫人有胷有心情之不同如其面若必束以名理規一局以爲的令萬鏃齊赴是韓彭衛霍不易柱而鼓也

世儒不悟輒短之曰若固哲婦傾城維厲之階耳何以芬人齒頰予嘗問奇典午氏彼西子與尼父同時尼父一使端木而亾吳功在存魯西子一獻亦亾吳功在霸越是非侏於吳而德於魯越也父母之

國道固應爾雖純駁不同而其一時獨至之神奇足以不朽於萬世則一也設西子果蒙不潔萬世後能免於掩鼻之惡乎惟濁其文而清其質歸潔其身西子無愧矣如以巾幗也而沒之鬚眉也而進之



彼鴟義矯虔虎皮羊質雖男子累百其爲干城之公侯壯猷之元老誰乎則茲志之刻似不容報罷茲志首事於前令同年撤藩張君因而同年映碧李公司理甬東觀風八越名言種種點綴甚工今子就

路君繼至踵而廓之上其議於郡  
二千石王公擊節曰此奇事亦快  
事也方軌越絕何讓焉爰序之首  
簡而屬予以紫貂之續予竊謂西  
子奇秘如豐城神物雖久自韜歛  
寶光猶時時燭天何必吾輩游揚

然人倫賞鑑自是吾輩事用以矯  
世勵俗爭自濯磨蹈道秉節慷慨  
貞亮不失丈夫之致彼丈夫之翺  
翔表樹不尤易於閨閫乎蒐狩逸  
才以廣勵人羣質之宋人將亦應  
首肯豈若玉臺香奩僅供清玩已

哉

隴右關永傑嶽華氏題



苧蘿誌目錄

卷之一

御製古風一首

序

目錄

古今氏籍

卷之二

西子像

苧蘿圖

卷之三

目錄



古集

採唐宋元及皇明曆昌以前先達暨聞人名士苧蘿諸詠

詠苧蘿山 計七首

詠浣紗溪 計十四首

詠浣紗石 計六首

蘇臺懷古 計十一首

越州懷古 計三首

詠吳越兩山 計一首

詠范蠡宅 計一首

詠飛翼樓 計一首

詠浣紗亭 計五首

詠苧蘿村 計一首

詠范蠡巖 計一首

詠西施山房 計一首

吳王歌 計一首

詠舞臺 計一首

西施沉曲 計一首

遊靈巖記 計一首

卷之四

今集

當事諸詠

西子浮沉辨

計一首

詠苧蘿山古風

計一首

詠浣紗溪古風

計一首

七言律詩

計十三首

七言絕句

計十四首

碑記

計三篇附祠內對聯

苧蘿記

計一篇

遊苧蘿記

計二篇

西子浴塘記

計一篇

西子記

計一篇

叙

計九篇

跋

計五篇

西子論

計二篇

西子鄭旦合論

計一篇

西子說

計二首

賦 計一篇

卷之五

今集

五言古詩 計六首

五言律詩 計三十首

五言絕句 計十一首

卷之六

今集

七言古詩 計六首

七言律詩 計八十首

七言絕句 計廿三首

卷之七

今集

詞 計八首

行 計二首

曲 計二首

歌 計三首

擬范大夫勸西子往吳書

擬西子允范大夫入吳書

擬西子別范大夫書

擬西子恨范大夫書

擬范大夫答西子書

擬西施自吳譙東施書

擬越王夫人贈西子書

擬西子復越王夫人書

擬西子別鄭旦書

擬鄭旦答西施書

擬西子自辨文

擬夫差夢答西子文

擬范大夫代西子禱胥山文

擬爲鄭旦釋愁文

擬爲西子消恨文

擬爲東施解嘲文

傳

俚言 計二集

卷之八

目錄

五

跋

古集姓氏

唐

李白

太白生蜀之青蓮鄉翰林供奉

魚玄機

女道士

宋之問

延壽汾州人

王維

摩詰太原人

于

漬

子漪咸通進士

王昌齡

少伯江寧人

王軒

樓穎

綦子皎然

李嘉祐

從一廣寧人

衛萬

錢起

元稹

微之河南人

施肩吾

希聖睦州人

姓氏

卷一

吳融 子華山陰人

張喬 池州人

宋

杜衍 世昌正獻公山陰人

丁寶臣 既晝令

趙抃 清獻公衢州人

秦觀 少游淮海人

元

黃潛 金華人

趙俶 宋室宗藩

吳萊 立夫

明

戴冠 章甫長洲人訓導

袁宏道 中郎公安人吏部

邢侗

胡學

馮蘭 餘姚人提學副使

吳中 山陰人叅政

姚寬

徐渭 天池山陰人

張世昌

鄭天鵬 諸暨人

鄭欽

華繼善

姚廣孝 吳人太師

王諛 內敬山陰人待詔

駱問禮 績亭諸暨人庶使

陳性學 環冲諸暨人布政

高啓 姑蘇人侍郎

陶望齡 石簣會稽人會元

屠隆 赤水鄞縣人進士

錢時 惺勿諸暨人副使

姓氏

卷一

三

陳嘉謀

環珠諸暨人僉判

陳啓明

曙若諸暨人太學生

今集姓氏

王期昇

麗青宜興人辛未進士紹興府知府

李清

映碧句容人辛未進士寧波府推官

文德翼

澄巖浮梁人甲戌進士嘉興府推官

關永傑

人孟隴西人辛未進士紹興府推官

王章

芳洲武進人戊辰進士鄞縣知縣

梁佳植

南有宓春人辛未進士餘姚縣知縣

汪元兆

本中婺源人甲戌進士山陰縣知縣

吳應台

紫葢湘陰人甲戌進士浦江縣知縣

李可埴

澹菴瀏陽人壬戌進士餘杭縣知縣

柯元伯

躬符龍巖人辛未進士東陽縣知縣

許直

柱玉如阜人甲戌進士義烏縣知縣

羅炯

有持歙縣人甲戌進士嘉興縣知縣

宋兆禴

喜公揭陽人戊辰進士仁和縣知縣

劉永祚

宛穀武進人恩貢縣知縣

饒若蒙

檀城進賢人戊午舉人紹興府經歷

李康先

金峨鄞縣人丁未進士禮部尚書

姓氏

卷一

三

商周祚

等軒會稽人甲辰進  
士左都御史

喻安性

養初岷縣人戊戌進  
士尚書

姜逢元

箴勝餘姚人癸丑進  
士禮部尚書

王業浩

峨雲餘姚人癸丑進  
士侍郎

丁進

印趨上虞人己未進  
士翰林

姚應嘉

惺初會稽人癸丑進  
士光祿卿

李長華

嘉錫句容人戊辰進  
士南昌府推官

李之椿

得祿如皋人壬戌進  
士吏部主事

沈景初

日倪餘姚人癸丑進  
士吏部主事

金蘭

楚晚山陰人乙丑進  
士御史

周鳳翔

巢軒山陰人戊辰進  
士翰林

朱兆栢

茂如山陰人乙丑進  
士翰林

錢受益

瑞星仁和人乙丑進  
士翰林

胡守恒

吉雲舒城人戊辰進  
士翰林

羅元賓

天樂會稽人壬戌進  
士太僕卿

倪元珙

三蘭上虞人壬戌進  
士御史

祁彪佳

世培山陰人壬戌進  
士御史

葉憲祖

六桐餘姚人己未進  
士副使

吳之芳

慎海山陰人辛未進  
士翰林

吳太冲

若谷海寧人辛未進  
士翰林

沈延嘉

憲申鄞縣人辛未進  
士翰林

潘融春

與偕餘姚人庚戌進  
士叅政

施邦曜

四明餘姚人己未進  
士布政

張明弼

公亮金壇人丁丑會  
魁

汪漸磐

三餘錢塘人壬戌進  
士禮部主事

吳載鰲

皜菴晉江人戊辰進  
士主事

王思任

遂東山陰人乙未進  
士僉事

唐顯悅

梅臣仙遊人壬戌進  
士舊諸暨縣知縣

馮敬舒

襄慈谿人乙丑進  
士工部主事

姚之光

叔韶慈谿人貴州副  
使

孫如洵

水山餘姚人癸丑進  
士副使

楊肇泰

六符諸暨人己未進  
士知府

駱方璽

武夷諸暨人壬戌進  
士主事

朱長庚

斗樞諸暨人知縣

方允昌

全之諸暨人甲戌進  
士知縣

陳善學

淵之諸暨人舉人知  
縣



曾亨應 子家臨川人甲戌進士博士

孫有勳 懋堂餘杭人恩貢通判

朱鉞 毅銘餘姚人通判

姜效乾 玉舟餘姚人通判

陳士聰 聰思餘姚人乙卯順天經魁

邊惟寧 宗城諸暨人舉人

吳恭章 遜夫餘姚人丁卯舉人

姚一幕 象先諸暨人知縣

俞選 日華諸暨人通判

蔣應仔 肩吾順天人貢生現保舉恩受知州

李安世 大若餘姚人乙卯舉人

盧懋夔 虞卿東陽人癸酉舉人

韓昌祚 永生天台人癸酉舉人

陸府修 採禹平湖人舉人諸暨縣教諭

蔡仁洽 仲敷仁和人舉人諸暨縣教諭

張夜光 玄珠諸暨人癸酉舉人

胡文蔚 豹生西安人癸酉舉人

余縉 仲紳諸暨人丙子舉人

姜辰 及生會稽人恩貢生

陳士繡 炳如餘姚人恩貢生

陳士瓚 信侯餘姚人丁丑進士

陸之越 踰凡錢塘人癸酉舉人

蔡嘉復 震元西安人癸酉舉人

陳羸 登甫錢塘人癸酉舉人

鄺光祖 鳴陽諸暨人恩貢生

朱錢 巽銘餘姚人貢生

蔡嗣宗 可宗仁和人庠生

錢人儀 赤喫餘姚人廩例太學生

趙世魁 仲元諸暨人庠生

姜天棟 吉甫會稽人庠生

徐文進 在茲鄞縣人庠生

翁裕昆 懋昭諸暨人任子

蔣廷策 於野諸暨人副兵馬

陳公廷 道言餘姚人庠生

鄺汝楫 剡伯諸暨人庠生

宋德滋 培元餘姚人庠生

錢人棧

孟為餘姚人庠生

鄺兆麟

爾思諸暨人庠生

王業洵

士美餘姚人庠生

趙善徵

應侯山陰人庠生

陳正諒

仲仁餘姚人庠生

錢祚忠

許叶餘姚人庠生

董志澄

清之鄞縣人庠生

陳之元

爾諤諸暨人庠生

蔣爾璵

魯鎮諸暨人庠生

姜天權

與可會稽人庠生

董志高

峻之鄞縣人庠生

錢公爵

象先餘姚人庠生

孫燕貽

孟伯餘杭人庠生

蔣爾璠

魯傳諸暨人庠生

王明福

君權諸暨人庠生

鍾鳴世

希聲諸暨人庠生

周維新

叔熙餘姚人庠生

盛經三

兼兩於潛人庠生

徐鳳垣

鳴陽鄞縣人庠生

趙淑

齊之諸暨人庠生

聞正覺

昧生餘姚人庠生

錢茂肅

穉恭諸暨人太學生

壽胤初

雲如諸暨人庠生

錢公柱

維貞餘姚人庠生

趙學賢

崇伯諸暨人庠生

錢芳肅

穉敬諸暨人庠生

錢守德

承源嵒縣人庠生

孫珠

赤楚餘杭人庠生

宋賓王

晉公餘姚人庠生

陳泰明

階平諸暨人庠生

朱楷

兆伯餘姚人庠生

錢邦本

寧甫餘姚人庠生

陳聖諭

禹壁諸暨人庠生

俞美

在中諸暨人庠生

姜一涵

羅掬餘姚人庠生

錢公琰

豹彩餘姚人庠生

孫熊貽

非熊餘杭人廩生

朱承顏

亞甫餘姚人廩生

陳廷獻

翊泰諸暨人廩生

卞士喬

括蒼餘姚人廩生

黃金鉉

貞之諸暨人廩生

管明清

辨如餘姚人廩生

陳悅從

仲貴諸暨人廩生

鍾泰運

際開諸暨人廩生

錢公清

端甫餘姚人廩生

錢公燿

聯珠餘姚人廩生

胡遵華

虞則餘姚人廩生

陳檄

仲琳諸暨人廩生

陳九宸

五聚諸暨人廩生

錢慶達

明宗嵒縣人廩生

陳聖言

鏡圖諸暨人廩生

宋嗣昌

惠文餘姚人廩生

蔣一震

敷宜諸暨人廩生

壽胤昌

卜如諸暨人廩生

張一信

履素諸暨人廩生

王明宸

君儀諸暨人廩生

郭四窠

養冲諸暨人廩生

陳胥鬯

允侯諸暨人廩生

趙雲章

繡虎諸暨人廩生

錢悅義

集生餘姚人廩生

許岱

士儀諸暨人廩生  
前名芳

許襄飛

九扶諸暨人廩生

鄺胤昌

胤佳諸暨人廩生

俞毓淳

培之諸暨人廩生

周公諭

君佩諸暨人廩生

郭維坤

寧之諸暨人廩生

陳晉明

懋昭諸暨人廩生

何士奇

石芳諸暨人廩生

王錫圭

斐如諸暨人廩生

黃益忠

靖之諸暨人廩生

黃益寧

安之諸暨人廩生

鄭國鉉

君珮諸暨人廩生

陳魯生

翼尼諸暨人庠生

管永清

襄指餘姚人庠生

周廷俊

德詮諸暨人庠生

鍾鳴崗

禹升諸暨人庠生

錢存仁

元夫嵎縣人庠生

陳在中

秉叔諸暨人庠生

陳夢斗

星區諸暨人庠生

金應檣

毓美諸暨人庠生

林泉

茹芬福建閩縣人庠生

袁愛朱

慎餘諸暨人庠生

陳洪綬

章侯諸暨人庠生

卞士璘

瑞文餘姚人庠生

蔣以坦

啓周諸暨人庠生

米壽都

吉王順天人庠生

蔣一泰

大倩諸暨人舉人

錢人楷

世爲餘姚恩貢纂修三朝實錄見奉詔保舉賢良

張夬

撤藩丹陽人辛未進士諸暨縣知縣

路邁


子就宜興人甲戌進士諸暨縣知縣

像 甲 酉





宣樂山 川麓 豈生 庶曠代 產  
八 耿 上 其 心 尚 蟻 螭 齧 齧 齧  
忠 臣 世 鱗 頤 城 頤 國 飛 蟻 詭  
甫 頁 申 黍 馥 強 戾 浩 發 芳 將  
平 古 粵 粵 粵 粵 餘 錢 良 粵 頭



芋蘿誌

夢溪張夫撤籜

纂輯

勾餘錢人楷世為評定

荆溪路邁子就

暨陽蔣一泰大倩

邊惟寧宗城

張夜光玄珠

余 緝仲紳較閱

古集

詠芋蘿山

李 白

百香新集  
一字一珠

西施越溪女。出自芋蘿山。秀色掄西。子。一。生。斷。案。今古荷花羞玉顏。

芋蘿誌

古集

沈江泛湖  
四意並存

浣紗美碧水。自與清波閒。皓齒信難開。沈吟碧雲間。  
句踐徵絕豔。揚娥入吳關。提攜館娃宮。杳渺不可攀。  
一破夫差國。千秋竟不還。

村烟籠淡月。魚火點殘江。玄品

魚玄機

夫一女道  
上而有此  
陽春白雪  
之歌豈韓  
夫人孫夫  
人之流亞  
耶快絕

吳越相謀計策多。浣紗神女去相和。一雙笑靨才回  
首。十萬精兵盡倒戈。范蠡功成身隱遁。伍胥諫死國  
消磨。只今諸暨長江畔。空有青山號苧蘿。

千巖秋色徹層霄。靈品

戴冠

秀拔英爽  
聲光並麗

溪上西施祠。溪邊浣紗石。山靈欲亾吳。生此佳冶色。  
地非塗莘里。人豈褒妲匹。誓雪吾君耻。甘心事仇國。  
笑劍傾吳城。女戎蹙疆域。寒衣畏零露。鑄鏤賜遺直。  
歌舞樂已酣。忠諫路遙隔。一朶宮花開。三年水犀蹄。  
吳越兩丘土。木落山寂寂。霸業盡為沼。何用遠封斥。  
事大孟軻取。善戰春秋黜。世變山依然。徒令後人惜。  
窈窕通仙境。虛明隔世塵。玄品

袁宏道

此等光景  
俱從臥薪  
嘗胆中來  
自然計出  
萬全

西施山一片土。不惜黃金城。貯此如花女。越王跪進  
衣。夫人親蹋土。買死傾城心。教出迷天舞。一舞金閭  
崩。再舞蘇臺拆。槌山作館娃。舞袖猶嫌窄。舞到夫差  
愁破時。越兵潛渡越來溪。

乃是天鏡中分明畫相似仙品

邢侗

東西整  
逐為千古  
話柄願影  
之憐不可  
無浩淼之  
思不可有

苧蘿山下女。如雪復如花。丫頭謝鈿妝。焜炫表朝霞。  
將紗濯江水。返景栖江沙。流盼一顧影。浩淼思無涯。  
貌妍命應賤。年及誰為家。捧心時作劇。女數相環遮。

傾城何必笑。含顰良自嘉。

蒼烟連蜃樓異品

詠浣紗溪

宋之問

海市蜃樓  
不可方物

越女顏如花。越王聞浣紗。國微不自寵。獻作吳宮娃。  
女數半潛匿。苧蘿更蒙遮。一行覆句踐。再顧傾夫差。  
豔色奪常人。數顰亦相誇。一朝還舊都。靚妝尋若耶。  
鳥驚入松網。魚畏沈荷花。始覺冶容妾。方悟羣心邪。  
欽子秉幽意。世人共稱嗟。願言托君懷。儻類蓬生麻。



家住雷門曲。高閣凌飛霞。淋漓翠羽帳。旖旎采雲車。  
春風豔楚舞。秋月纏胡笳。自昔專嬌寵。襲玩惟矜奢。  
達本知空寂。棄彼猶泥沙。永割偏執性。自長薰香芽。  
攜妾下障道。來上妾西家。

千巖泉灑落萬壑樹縈迴奇品

王維

艷色天下重。西施寧久微。朝仍越溪女。暮作吳宮妃。  
賤日豈殊衆。貴來方悟稀。要人傳香粉。不自着羅衣。  
君寵益嬌態。君憐無是非。常時浣紗伴。莫得同車歸。

冷處机鋒  
令人擊節

寄謝鄰家女。效顰安可希。

碧漱瑤翻愈光彩玄品

于濇

會稽山上雲。化作越溪人。在破吳王國。徒爲西子身。  
江邊浣紗伴。黃金扼雙腕。倏忽不相期。思傾趙飛燕。  
妾家基業薄。空有如花貌。嫁盡綠窻人。獨自盤金線。

亂插花枝綴碧簪異品

胡學

苧蘿山頭雲氣流。浣紗灘頭江色秋。浣紗女兒膚玉。

雍容大雅  
得漢人之

讀嘆扼腕  
曲盡其神

遺

潔碧波照映芙蓉愁館娃一去無消息月冷故鄉歸  
不得誰知一派涓涓流滔天竟沼夫差國幾年霸業  
功已成五湖浩渺扁舟輕獨有胥濤激餘怒橫逸欲  
與灘爭平

勢凌萬仞雲霞表雄品

馮蘭

柳絲鶯織  
江浪魚吹  
備空中旋  
舞之妙

昔聞此溪水今見溪上山西過陶朱嶺東尋西子灣  
西子載湖去朱公不復還吳越隔江渚山水無容顏  
雁影青天裏魚痕碧浪間詩情坐晚石客韻到初攀

紗沈莫為帶石碎莫為環烟橫遠宜黛珠濺半成潛  
妙舞一時盡聲歌千歲閒俟夜水波清入秋竹岍斑  
無端心欲病風起意潺湲遺恨淪幽質婦人身甚艱

林香瑤草發澗煖碧桃新仙品

杜衍

議論  
中多關係

曲曲溪流隱隱村美人微步合朝暾吳宮花草埋雖  
久越水瑤璜嚮尚存兩字忠貞昭白石千年幽恨掃  
黃昏應憐當日鬚眉者亦自嫌推巾幗尊

日出旌旗生氣色英品

丁寶臣

深思鑄理  
鮮華絕世

過溪小雨晚風涼。凝望西村尚夕陽。出現洛神光豔  
動。迴翔巫女魄魂香。魚腸刺客猶難避。七首夫人豈  
易防。為憶吳王宮裡醉。專諸蚤已改新妝。

碧波蕩漾金芙蓉精品

黃潛

筆花墨蕊  
燦然尖秀

畫船不載美人還。冷月無聲浣水潺。隔岬編籬誰窈  
窕。入宮掩袂別容顏。臂間舌上香名想。山色湖光妝  
影攀。儻有勳題新外史。踈吳全在鳳頭彎。

預兆千數  
百年之前

翻塔紅藥占春榮雋品

趙俶

無限低徊  
言言如畫

玉環飛燕鬪纖濃。何似懷紗春水容。解佩江臯羞暈  
臉。無言息國恨當曾。忠忱縷縷存人繫。勝算絲絲整  
頓重。縱是沼吳天賜越。却憑絕豔蚤為鍾。

春風淡蕩吹楊柳清品

吳中

褒嘉之中  
轉寓感慨  
是謂文生  
於情

浣紗采葛女般同。何事娉婷蚤入宮。十載不煩花徑  
教。一軍先置錦帆中。東鄰別淚當時灑。南國佳人蓋

代雄付與千秋金管握未將紅粉掩窗龍

鬱鬱青凝紫翠光雋品

姚寬

娉婷初出苧蘿春。一笑當年國自傾。絲網珠璣迷去路。鴟夷風月倍多情。遙山尚擁雲鬟翠。流水空聞玉佩聲。千古人傳浣紗地。王軒何事得逢迎。

金爲樓闕玉爲城貴品

徐渭

明月照江水。截梁與子步。當時如花人。曾此點鉛素。

情景自得

江流不易改。月亦無新故。薄雲淡杪林。晴沙乏寒露。借言伊人閨。應在烟生處。

瀟洒山光秋入畫雋品

王昌齡

錢塘江上是誰家。江上女兒全勝花。吳王在時不得出。今日公然來浣紗。

月明樓閣在虛空仙品

趙忭

吳宮金玉似泥沙。西子東來舉國誇。一日越兵聲震

摹寫大差情態逼肖

豈再有西子耶總是慕西子而思其似西子者

地夫差猶惑眼中花。

花落層崖泣杜鵑靈品

詠浣紗石

張世昌

浣紗石上秋芙蓉。洛妃湧出清波中。雲佩空遺會稽浦。仙桂吹入吳王宮。吳王共醉瓊瑤席。玉山自倒渾無力。眉翠親添兩點愁。眼波浸破千年國。城頭鼓角風淒淒。一舸自逐鳴夷歸。姑蘇臺前鬼夜哭。江中白浪如銀屋。

正而能雅而復雅。真是麗人韻。

燁燁六英非剪就。煌煌五色豈粧成。神品

鄭天鵬

朝浣紗。暮浣紗。朱顏落水流紅霞。一從身妾吳官日。春雨蒼苔繡遺石。成功雪耻酬越王。國破身憐竟誰得。浣紗女。浣紗女。一去不復歸。歸來此石喜見汝。

細織雲霞上彩牋。英品

王軒

嶺上千峰秀。江邊眾草春。今逢浣溪石。不見浣紗人。

陶鎔盡出春工巧。神品

飛燕迎風。美藻映水。一可想其媚。

思之思之。鬼神將通之。

樓穎

極力摹寫  
字字幽香

西施昔日浣紗津。石上青苔思殺人。一去姑蘇不復返。岼傍桃李為誰春。

筆力縱橫似有神奇品

鄭欽

蓮胎負映

浣紗石在浣江濱。不見當時絕艷人。獨有青青堤畔柳。春來猶學翠眉顰。

剪裁花草美春權神品

華繼善

天巧錯出

西施石下水粼粼。石上飛花片片春。借問當年浣紗伴。空顰空笑更何人。

傾倒珠胎海亦貧異品

蘇臺懷古

衲子皎然

英雄淚滴

古臺不見秋草淒。却憶吳王全盛時。千年月照秋草上。吳王在時幾回望。至今月出君不還。世人空對姑蘇山。山中精靈安可覩。轍跡人蹤麋鹿聚。嬋娟西子傾國容。化作寒陵一堆土。

霞影朝飛浮錦綺日光午浴見金波雋品

李嘉祐

雲樹思  
風塵播  
殊覺凄然

館娃宮中春已歸。闔閭城中鶯亂飛。復見花開人又  
老。橫塘寂寂柳依依。憶昔吳王在宮闕。館娃賣眼看  
花發。舞袖朝朝陌上春。歌聲夜夜怨江邊。月古來人事  
亦。絲今莫厭清觴與綠琴。獨向西山聊一笑。白雲芳  
草自知心。

落花飛絮正悠揚玄品

衛萬

精彩如一  
道祥光共  
星竟月魄  
相照

君不見吳王宮闕臨江起。不捲珠簾見江水。曉氣晴  
來雙闕間。潮聲夜落千門裏。勾踐城中非舊春。姑蘇  
臺下起黃塵。祇今惟有西江月。曾照吳王宮裡人。

松濤萬壑捲秋雲雄品

梁有譽

巖岫之峰  
烟雲之變

看山幾日到吳中。遊客登臨感慨同。金虎跡荒靈氣  
滅。水犀軍散霸圖空。春歸茂苑烏啼月。花落橫塘蝶  
怨風。誰識倦遊心。獨苦扁舟長憶五湖東。

文章自是一時傑名品

妙韻可思

風動荷花水殿香。始蘇臺上宴吳王。西施醉舞嬌無力。斜倚東窗白玉床。

鏤水生花無手痕神品

李白

主維

雋舌如簧

吳王舊國水烟空。香徑無人蘭葉紅。春色似憐歌舞地。年年先發館娃宮。

釵頭風露一枝香玄品

錢起

空巾起舞

館娃宮外似蘇臺。鬱鬱芊芊草不開。無風自偃君知否。西施裙裾拂過來。

思入風雲變態中奇品

元稹

稍與情深不可無此一番假態

半夜娃宮作戰場。血腥猶雜宴時香。西施不及燒殘蠟。猶為君王泣數行。

剪下天機錦繡香玄品

施肩吾

凄然暮色使人淚下

春入長洲草又生。鷓鴣飛起少人行。年深不辯娃宮



處。夜。夜。蘇。臺。空。月。明。

華月初生碧樹浮仙品

吳融

沼以女戎  
抱恨千古

幾多雲樹倚青冥。越焰燒來一片平。此地最應沾恨血。至今青草不勻生。

筆端風雨駕雲濤英品

越州懷古

李白

沼吳功業  
屬誰人織  
錦何須衣  
義士此鵷

越王勾踐破吳歸。義士還家盡錦衣。官女如花滿春

鵷之所以  
不能無怨  
也字字暗  
藏春色

殿。只。今。惟。有。鵷。鵷。啼。

吐鳳言辭世所珍英品

姚廣孝

先施丹心  
始終無二

輦土為臺抱恨深。管門金氣尚森森。當時吳破非兵力。只在西施一捧心。

掩映群峰翠疊成玄品

望海潮

秦少游

森秀俊雅  
自是風流

秦峰蒼翠。耶溪瀟洒。千巖萬壑爭流。鴛瓦雉城。譙門

人物

如雲外玉  
蕭蕭鶴為  
之起舞

畫戟蓬萊燕閣三休。天際識歸舟。泛五湖烟月。西子  
同遊。茂草荒臺。苧蘿枕冷。閑愁何人覽。古凝眸。恨  
朱顏易失。翠被難留。梅市舊書。蘭亭古墨。依稀風韻  
生秋。狂客鑑湖頭。有百年臺沼。終日夷猶。最好金圭  
換酒。相與醉滄洲。

百雉高城朱旆繞萬重錦帳翠屏開奇品

### 吳越兩山

王 謹

丹崖翠岫鎖寒雲。吳越江山一水分。范蠡逃名悲怨

悲 怨

主。西施。亾國。是忠臣。戍樓燈火通宵在。僧寺鍾聲隔  
岼聞。霸略雄圖。今不見。數聲橫笛送斜曛。

天與規模神與功仙品

### 范蠡宅

吳 萊

淡淡寒雲鶴影邊。荒阡故宅忽千年。大夫已賜平吳  
劍。西子還隨去越船。白石撐空留罔象。青松落井化  
蜿蜒。徒憐此地無章甫。只解區區學計然。

波瀾揮酒墨池香雋品

功業雖標  
清史而荒  
阡滿目生  
悲喚醒世  
入大夢

飛翼樓

張喬

越中名勝頗多夏禹壇對西施浦可見自百聞人無不重西子者  
江城昨夜雪如花。郢客登樓望霽華。夏禹壇前仍聚玉。西施浦上更飛沙。簾櫳向晚寒風度。睥睨初晴落景斜。數處微明銷不盡。湖山青映越人家。

翠鎖朝烟柳葉眉清品

浣溪亭

吳萊

山圍故堞三諸絕對  
巧笑回頭異態生。明珠論斗比猶輕。山圍故堞青蘿

末路感慨淋漓表光方有生靈

色水湧寒灘。白苧聲百萬甲兵。終畏敵尋常。花草豈傾城。歸來徒作興亡鑒。誰寫當年一寸誠。

白壁連城世並奇玄品

賂問禮

古麗中風流自賞

溪轉峰迴小徑斜。離城臨市鎖雲霞。共憐此地山如畫。不見當時貌似花。戰敗力求傾國色。功成誰問賣薪家村中。士女今非昔。肯向江邊更浣紗。

千秋長聳碧芙蓉奇品  
又

奔馳一使兩朝通。燈燭蘇臺徹夜紅。吳越興亡如昨

吾春蓮花

苧蘿志

古集

十四

日蠡員成敗逐。颺風漢從胡地留。青塚唐向鬼坡望。  
紫宮芳草斜陽多。少恨西村烟月五湖中。

近市烟霞翠且重異品

陳性學

携紗長坐碧溪頭。誓洗江山沒世羞。舞屨輕移強國  
步。歌喉暗泣故君愁。此身已許匡臣主。後會何須定  
去留。莫道傾城頻笑裏。漫同已。奴滅商周。

石鯨鱗甲動秋風奇品

又

生長君恩在越東。吳宮寵倖豈相同。胸全智勇三仁

洗發殆盡  
而古趨更  
饒

今日果應  
先生之言

上手轉興。一顧中節。毀殉君真。俠骨功成。逃世總  
高風。千秋自是堪尸祝。寧止容顏若樣工。

承露金莖霄漢間玄品

苧蘿村

陳嘉謀

落想靈奇  
運腕超脫  
匪夷所思

施氏山前舊有人。吳王宮殿幾重新。年來綠樹村邊  
月。夜半清溪夢裏身。衰草盡隨眉黛落。飛花長送杜  
鵑聲。西家女俠今何在。白苧輕羅謝四鄰。

春色遙連洞口花麗品

范蠡巖

陳啓明

意入語出  
且一種清

香之氣縹緲筆端

莫謂他山石。番從此老名。自來無少伯。那地不吳兵。  
故國扁舟邈。佳人絕代傾。年年招隱去。巖際鷓鴣聲。

霜殘花片老雲影月痕新異奇

姑蘇臺

高啓

管蕭程融  
作太白集  
亭云驅馳  
屈宋鞭撻

金椎夜築西山土。催作高臺貯歌舞。文身澤國構王基。却笑先人獨何苦。銅鋪玉檻盛繁華。幻作峰頭一

楊馬千載  
獨步惟公  
一人此文  
得之

片霞。望處直窮三百里。役時應廢幾千家。蟠空曲路迷仙仗。攀盡瑤梯纜走上。外繞雕籠宛轉欄。中施繡鳳葳蕤帳。熏爐長蒸鬱金香。共道千齡樂未央。茂苑月來秋珮冷。洞庭雨過夏綃涼。當窻衆妓如仙女。楊袂迎風欲輕舉。人從天上見經過。鳥向人前驚笑語。日暮橫塘花盡開。卷簾臺上望王來。宴舟初自觀魚返。獵騎還從射鹿回。從登不用持鉞隊。自列紅妝侍高會。香傳羅帕進黃柑。縷切鸞刀供玉繪。燭光遠落太湖波。驚起魚龍出沒多。城上鳥蹄河漢轉。此時誰

問夜如何。管絃嘈嘈聒人耳。不聞兵來渡溪水。欲携  
西子走登舟。醉倚畫筵嬌不起。瞑目無因到甬東。可  
憐一炬綺羅空。獻楣竟墮讐人計。賜劍應辜諫士忠。  
客來試問遺宮路。物色荒涼總非故。舉衣始信不虛  
言。滿地荆榛見零露。當年爭奪苦勞機。却把江山付  
落暉。聞說越王臺殿上。如今亦有鷓鴣飛。

碧窓繡霧濛濛濕步拱。浮雲細細輕雋品。

### 西施山房

有序

予讀書西施山房有年矣。今春落第復來假館。情  
境愈適。爲長歌以述之。

陶望齡

西施乍入吳宮裏。承恩日日飄羅綺。忽見飛塵入舞  
樓。空悲霸業隨流水。吳王宮中秋草生。姑蘇臺上秋  
風起。臺上朝看麋鹿遊。五湖莫逐鴟夷舟。淡閨那識  
風濤險。長波淼淼徒含愁。一去年年不復春。若耶羞  
殺采蓮人。嬌歌妙舞知何處。玉貌花顏已作塵。可憐

兼筆在手  
紙未落而  
已成烟雲  
選韻發聲  
曲未終而  
猶餘技瘳  
借稱李杜  
可擬是翁

東城一片石。猶存西子千秋蹟。幽谷陰森滿薜蘿。哀  
風蕭颯搖松柏。山中落花人跡少。山頭落日聞啼鳥。  
眼前不見越臺高。誰人謾說吳宮沼。碧波千頃春溶  
溶。嶽崎石磴蒼苔封。東鄰野人不解事。草間指點尋  
芳蹤。風流太守擅丘壑。分金宴客恣歡樂。孤亭結構  
山之阿。翠竹叅差護虛閣。榻來爽氣浮林塘。坐久春  
陰散城郭。壁上題詩雲滿堂。花前把酒月將落。五月  
六月全無暑。滿地荷花嬌欲語。臨池俯檻問斜陽。何  
似當年浣紗女。涼夜香飄桂樹秋。洞門深鎖幽。

主人已往賓客散。浮雲流水長悠悠。漢庭廷尉休官  
蚤。拂衣自愛林泉好。蔣逕新從綠野開。謝公未許青  
山老。青山十里帶澄湖。縱飲我亦高陽徒。今年上書  
不得意。黃埃赤日悲長途。歸來山中但高枕。秋風况  
復饒尊鱸。四野一望俱平蕪。竹間啼鳥遙相呼。謂我  
不飲。歲月徂夕陽。渺渺長烟孤。厨中酒熟何勞沽。且  
復花前傾百壺。昔年歌舞安歸乎。何須更論越與吳。  
但得山中十日飲。絕勝束帶趨皇都。

清歌媚盼如桃葉。妙舞輕盈似柳枝。仙品

吳王歌

屠隆

昔劉後村云木蘭詩唐人所作樂府中惟此詩與焦仲卿詩作叙事體有始有卒雖詞多俚然有古致今此詩自始至終因情布景刻羽引商盡以

揚駿馬紅纓絡南浦齊聞宛轉歌西園不下歲徒鑰  
 秀色比娉婷倦倚嬌娃何綽約芳草蘭舟錦纜牽垂  
 管送春杯冉冉池蓮發紅萼鋪遍流黃臨水閣採將  
 花將暝城上烏棲月欲來前殿旌旗催夜角後宮絃  
 水開直捲星河迴錯落高馮天闕象崔巍江頭燕掠  
 埽巧窮吳楚錦成堆千尋繡柱凌雲度四面朱欄傍  
 吳王昔日起高臺歌舞新收勁越回氣壓東南金作

氣以為空  
 煥龍文以  
 成彩真冠  
 詞壇何言  
 亦技

南浦西園幾度看文牕綺構日盤桓娟娟繡帶黃金  
 縷的的朱櫻白玉盤妃子風流無奈舞君王顏色不  
 禁歡酒罷君王復大笑喧喧車馬金閨道吳地初嫌  
 花月殘越王又送宮娃到歌分簫管舞尤工色並荷  
 花香更好露點疎螢度玉殊星垂明月敞朱扉雕床  
 翠被鴛鴦繞繡幌金屏孔雀圍簾下乘風欹寶扇夜  
 涼滅燭解羅衣乘風滅燭對秋光寶扇羅衣興轉長  
 雅翅暗偷雙鬢色龍涎都散六街香館娃宮裡花如  
 霧銷夏灣前月似霜碧海枯桑世能幾朝朝莫莫君



王喜語驚鸚鵡。喚初回。醉入茶蘼扶不起。買咲追歡  
夜未央。萬歲千秋樂無已。梨花曉夢逐飄風。楊柳春  
宵同逝水。高臺把酒問花神。富貴繁華能幾春。只聽  
西湖採蓮曲。寧知東海臥薪人。會稽兵來風雨速。十  
萬貔貅動地哭。日上花枝啼鷓鴣。春回芳草遊麋鹿。  
鏡中已作蘇雲飛。臺下依然江水綠。天荒古樹老宮  
槐。野曠寒沙沒繡鞋。丘壠茫茫陳玉匣。田夫往往得  
金釵。古來歌舞多零落。日莫江頭一悵懷。

渭水晴光搖草樹。終南佳氣入樓臺。玄品

### 舞臺

前人

氣色如雲  
蒸霞變  
學舞臺前青草迷。梧桐烟雨若耶溪。燼塵百萬隨衫  
袖。夜月扁舟何處隄。

旭日高峰散紫烟。奇品

### 西施沉

錢時

杜牧之詩。西子下姑蘇。一舸逐鴟夷。世傳西施出  
吳。從范蠡去五湖。蓋以蠡號鴟夷子。牧詩其證也。

辨晰分明  
足見胸中  
武庫

深不然之。嘗讀墨子曰。西施之沉。其美也。皮日休詩。響牒廊中金玉步。採香徑裏綺羅身。不知水葬歸何處。溪月彎彎欲效顰。李義山詩。景陽官井剝堪悲。不盡龍鸞誓死期。惆悵吳王官外水。濁泥猶得葬西施。竝觀三言。西子之沉。審矣。頗快其論。然猶未敢自信。及讀楊升菴集。極是其說。謂檢修文御覽。引吳越春秋逸篇云。吳王後。越浮西施於江。令隨鴟夷以終。其言曰。吳旣滅。卽浮西施於江。浮沉也。反言耳。隨鴟夷者。子胥之譖死。西施有力焉。

胥死盛以鴟夷。今沉西施。所以報子胥之忠。故子隨鴟夷以終。杜牧誤子胥鴟夷。爲范蠡之鴟夷也。又云。安知不謂沉江。而殉子胥乎。鴟革浮胥骸。亦子胥事也。此吳亡後。西施死於水。不從蠡去之證。其說甚鬯。升菴曰。范蠡不幸。遇杜牧受誣。千載又何幸。遇余而雪之。余曰。西子不幸。爲亡國女。猶幸有是沉也。爲西施沉曲。

王昭君。青塚雲。單于父子不堪聞。楊太真。馬嵬燐。祿山君。臣穢襲人。昔日浣紗女。烏棲弄風雨。夫差竟醉。

意正詞嚴  
調高和寡

迷江山已如許。獨鏤賜子胥。西施恨不如死。忠死色  
 鴟夷俱大夫。名成自三從。傾國傾城付流水。嗟乎一  
 洗吳宮。花草愁胡塵。馬跡何年休。浪翻千古獨悠悠。  
 色借瀟湘濶。聲馳滌潁深。高品

*(Faint bleed-through text from the reverse side of the page)*

游靈巖記

袁宏道

玄雲返岳  
 素景含暉  
 太液澄流  
 朝露未晞  
 可描此文  
 之景色

靈巖一名硯石。越絕書云。吳人于硯石山作館娃宮。  
 卽其處也。山腰有吳王井二。周遭石光如鏡。有泉常  
 清瑩。晶可愛。所謂銀床素綆。已不知化爲何物。其間  
 挈壘持瓶鉢而至者。僅僅一二山僧。出沒于衰艸寒  
 烟而已矣。登琴臺。見太湖諸山。如百千螺髻。出沒銀  
 濤亦區內絕景。山上舊有響屨廊。盈谷皆松。而廊下  
 松最盛。每衝颺至。聲若飛濤。余笑謂僧曰。此美人環

即景描神  
冷然有趣  
第可與會  
心入道耳  
見履跡而  
莫不消魂  
觀嬌容而  
能不心折  
此萬物之  
乾坤所以  
頓灰也惜  
哉惜哉

珮。釵。釧。聲。若。受。具。戒。乎。宜。避。去。僧。瞪。目。不。知。所。謂。石。  
上。有。西。施。履。跡。余。命。小。奚。以。袖。拂。之。奚。皆。徘徊。色。動。  
碧。纒。細。鈎。宛。然。石。髮。中。雖。復。鐵。石。作。肝。能。不。覓。消。心。  
死。嗟。乎。山。河。綿。邈。粉。黛。若。新。椒。華。承。彩。竟。虛。待。月。之。  
簾。嫋。骨。埋。香。誰。作。雙。鸞。之。霧。既。已。化。為。灰。塵。白。楊。青。  
艸。矣。百。世。以。後。幽。人。逸。士。猶。傷。心。寂。寞。之。香。跌。腸。斷。  
虛。無。之。畫。屨。矧。夫。看。花。長。洲。之。苑。擁。翠。白。玉。之。床。者。  
其。情。景。當。何。如。哉。

沉香亭北露華春曾識霓裳第一人仙品

苧蘿誌

夢溪張夫撤籜

纂輯

勾餘錢人楷世為評定

荆溪路邁子就

暨陽蔣一泰大倩

邊惟寧宗城

張夜光玄珠

余 縉仲紳較閱

西子浮沉辨

文德翼

西子一沉一浮。沉者沉。浮者浮。奈何作他人書郵耶。

學貫天人  
道通今古

攸其發之  
為文節節  
轉換辨難  
分明如走  
盤明珠實  
心奪目

通篇雄勁  
曲麗有懸  
崖峭壁之  
勢可仰而  
不可即也

末一轉光  
饒趣味

詞林宗匠  
吐露皆九  
苞五采古  
今罕觀

五代小兒列王軒傳并載郭素無有解者人人思為  
太牢周秦溪中一片石石笑人哉軒同軒也王差也  
一入閭門粉黛無色無與金軒也郭東郭也東西素  
也晨夕相數貴方悟希刻畫不免唐突也戲譚夢嚙  
幾欲癡殺也又見錄李商隱詩莫將越客千絲網網  
得西施別贈人此必指海中西施舌也蓮花香安能  
如白小當園蔬哉古人待西子寬今人待西子嚴寬  
則可浮可沉嚴則一沉必不浮一浮必不沉故杜牧  
浮之西子不死李商隱沉之西子亦不死今人一沉

一浮皆死西子矣雖然西子寧沉不浮也苧蘿山月  
浣紗溪風折受多年何能老大作飼特事

彩霞映水搖秋城白露垂珠滴秋月玄品

苧蘿山

文德翼

未至苧蘿山先聞苧蘿女既至苧蘿山苧蘿女不語  
茸茸山上薪曳曳溪中紵寒月照青冥不見東西處  
東子蓬戶留西子金屋貯貴賤何孤迥歲月亦儔侶  
賤者老苧蘿貴者逐浮胥

冷此雪霜甘比蜜一片入口沉痾痊異品

浣紗溪

文德翼

如入波斯肆中所見皆璠瑜琬琰大貝南金心駭目眩  
浣紗溪水看不足浣紗女兒美如玉女兒浣紗溪水  
傍朝朝暮暮春山旭當時春色亦等閑欲待有情身  
便屬大夫遠自山中來忽見傷心行不<sub>レ</sub>越國豈無  
娉婷女何殊駑駘比騏驎修娥一旦入吳宮沿溪芳  
草不忍綠余過溪上水潺潺披拂朔風寒起粟網得  
西施別贈人千年未許扁舟贖

西湖是處美人粧天竺一松風吹繞梁神品

七言律詩

王章

精光瀟瀟末路更得題神  
媽焉咲語竹籬中珠玉圍添錦繡叢天賦傾城原有  
意求孚嘗膽孰先容俄教高髻修眉掩頓使離宮別  
殿空尤物移人咸欲唾誰如收得艷冶功

瓊瑤玉珮振琳瑯奇品

又

雪骨冰肌水氣融雲襟霞帔月華籠蹁躑妃子歸吳

一部外史  
點綴殆盡

苑。宛。約。佳。人。教。越。宮。微。鼓。丹。唇。忠。諫。破。亟。爭。牛。耳。霸。  
圖。窮。當。年。甲。楯。雖。爭。入。制。勝。端。先。屬。女。戎。

風流惟有元才子名品

汪元兆

何等丹赤  
何等動猷  
越人烏得  
而忘之  
芙蓉小殿貯多年。國破胭脂豈復鮮。裂土何難封一  
郡。毀疆原自效雙肩。儻然驕主無能蠱。縱使奇謀未  
獲全。獨念重泉還掩面。鴛鴦交頸血相濺。

電閃旌旗日月高奇品

吳應台

表決宅里  
樹茲風聲  
鬼神所以  
無怨恫耳  
最為感着

絕代佳人家國傾。緬懷若箇是層城。顛危茂苑投膠  
快。旋轉胥江解佩輕。主辱妾妻甘自薦。勳隆種蠶不  
同銘。故山寂寞餘閨怨。最喜標芳金字橫。

雨浥紅渠冉冉香玄品

梁佳植

玄談聲  
翠篠紅藤舊日籬。西家何處問芳姿。傾將人國輕於  
絮。用却陰謀密似絲。返越也知殘鳳臉。泛湖浪說共  
鳴夷。浣紗揚扈猶嫌晚。料得香魂恨水涯。

紫禁烟花一萬重仙品

精新尖透  
風雅韻門

又

越女吳姬最擅名。總緣西子一身爭。况將雙黛紫興  
復宜用黃金鑄。俊英筆舌邀靈。今始吐功猷。震主久  
忘旌芳香。應有溪衡侑新製。迎神曲可成。

燄燄才名斗以南雋品

許直

仙姿憂國損雙眉。手挽天河理亂絲。自合奇功歸粉  
黛。肯教麗質老蓬嶠。捐漿楚媼身投瀨。奏計秦姬智  
定危。俠烈一時猶易激。深心念載勝男兒。

慧識雄才  
超然獨步

柳含烟翠拖金縷雋品

羅炯

戰士還家着錦衣。却遺西子破吳歸。報功烏喙原為  
薄絕世。雲鬢久自輝。山鳥朝來增睨眄。溪花春到更  
芳菲。品題增得今番重。不似湘君與宓妃。

玉匱金書豈浪傳名品

李可埴

語溪野史更荒唐。質質焉能盡曲房。終始潔身真女  
子。捐糜報主偉兒郎。喧喧簫鼓應祠下。冉冉衫襠憶

曲寫丹心  
夷光知己

斷案精明  
故語多眼  
到



水旁比作行雲可來往蘇臺端不會吳王

明珠領下揚光彩神品

劉永祚

說法花飛

眉顰易效捧心艱捧出丹忠欲捧還費盡玉床歌舞  
倦倍多寶枕笑言闌臣謀蚤識陰陽節妾意惟鳴宛  
轉環最恨越疆恢復後不教彤管記班班

風廻明月墜雲間靈品

柯元伯

玄曠不羈

非關香艷蝶蜂癡情種相將不自持時對彩雲留舞

袖每臨初月憶新眉捐軀詎作閨中態報主常啣國  
士知逸少卜憐原有意佳人才子擅英奇

萬疊奇峰聳夏雲異品

饒若蒙

胸有武庫  
典雅不群

若耶隘看采蓮舟玉質紅香染惹悠翠羽深官容易  
入明珠十斛遽難求館娃繾綣心如醉石室幽囚澆  
盡羞念載薦歡方獲濟若教男子定封侯

百草千花莫比芳異品

宋兆禴

秋水白蘋  
霜間紅葉  
幽豔絕倫

館姓有志天從人念載虧君幻此身鄭旦行間花伏  
陣吳王枕上臂為薪但將韻事酬山水便有機謀副  
主臣為問五湖歸去後此時真否尚心顰

禁城春色曉蒼蒼玄品

又

鐵笛一吹  
驚魂透胆

洗發蛾眉命世心從前憐愛化而欽戎粧去國迷環  
佩仙蛻飄塵現竹林一縷魂能生簡上千秋夢始雪  
江濤風流健令詩兼史浪以鍾情槩古今

風迴飛瀑盡含珠奇品

七言絕句

王章

景况凄其  
情懷欲罄

誰誇國色本翩翩為許亾吳任各天魂夢惟思圖報  
越姑蘇臺上強留連

樓臺縹緲雲烟外仙品

又

即景生情  
烟波無限

楊柳溪邊行客馳山巒圍繞擁新祠自有遊人謁新  
像徘徊月上棹舟遲

水滿清江花滿山異品

舌吐蓮花

吳官繚繞百花香。欲捲珠簾惹恨長。拚却一身同玉碎。無心歸認舊來鄉。

春殿晴薰赤羽旗。英品

羅 炯

憑吊幽忠  
謬多直入

姑蘇宮闕委灰塵。豈是吳公有越臣。只為香魂迷夜月。功高還數浣紗人。

筆老真堪挽萬牛。雄品

汪元兆

吳應台

隱隱躍躍  
夷光之功  
愈不可滅

紅雲映水曉粧開。舞盡香風亂翠苔。醉裏笙歌多樂事。誰知越騎却飛來。

探得東皇第一機。玄品

梁佳植

字字生花  
賞令李杜  
避席

吳宮花草曉烟寒。強作多情帶笑看。沈醉不知山月落。愁來斜倚玉欄干。

興酣落筆搖五嶽。神品

又

日晚香消倚翠樓。吳雲漫漫水東流。何人傳向爭齊

快論驚人  
巧思絕世

亭崖志

卷四 當事

信極目西湖空恨愁

一羣嬌鳥共啼花仙品

柯元伯

景色鮮妍

香閣蛾眉恨不同。愁雲片片似飛蓬。紅裙偏有吞吳志。一瞬蘇臺灰燼中。

滿堦苔襯落花紅雋品

李可埴

冠冕雄偉  
不作小家  
風

鴛鴦殿裏笙歌起。翡翠臺前醉麗人。心上惟思酬少伯。月明桃李為誰春。

苑中萬物生顏色貴品

許直

吟嗟擊節

玉屏歌舞醉香魂。侍女傳燈滿殿門。燕子猶知歸舊地。春風應自怨黃昏。

頓覺浮嵐靄翠空英品

張明弼

骨力蒼而  
點綴更趣

霸越亾吳事已非。浣紗溪上暮烟微。夜深水底半規月。疑是吳宮香魄歸。

汶水風來錦席張雋品

鍛鍊工而  
描寫入神

又

紫殿清歌月未移。誰家香水浸蛾眉。惟餘溪上蒼苔。月曾見西施未嫁時。

何人不誦陽春句神品

劉永祚

字字香翠  
韻度可掬

別夢依依曲水家。吳江楓落夕陽斜。多情只有耶溪月。猶為愁人照晚花。

映水桃花別樣紅奇品

饒若蒙


春日媚情  
桃李重春

夾岸青山桃李多。姑蘇去後又如何。吳越興亡千古事。月明何處吊嬌娥。

紅綠扶春上遠林雋品

古

表



李參政。去。對。又。吹。回。吳。越。興。利。千。古。

Handwritten marks or characters at the bottom of the page.

